

# Ilinniarnertuunngorniarfimmi ilikkagassatut pilersaarutit pillugit Namminersorlutik Oqartussat nalunaarutaat

Ilinniarnertuunngorniarfik pillugu Inatsisartut inatsisaanni nr. 13, 22. november 2011-meersumi § 20, imm. 2, § 21 aamma § 27 malillugit aalajangersarneqarpoq:

## Kapitali 1

### *Nassuiaatit*

§ 1. Ilikkagassatut pilersaarutit ima paasineqassapput, tassaasut malittarisassat qaffasissutsini assigiinngitsuni ilinniartitsissutitut ataasiakkaanut atuuttut. Ilikkagassatut pilersaarutitut ilaapput ilinniartitsissutit inissisimanerata, siunertaata, ilikkagassatut anguniagaasa imarisaasa, ilinniartitsinerup aaqqissuunnerata nalilerneratalu allaaserinerat. Ilinniartitsissutini ataasiakkaani ilikkagassatut pilersaarutit nalunaarummut matumunnga ilanngussaq 1-imi atuarneqarsinnaapput.

§ 2. Ilinniartitsissutit ilinniagaqarnermi inissisimanera imatut paasineqassaaq ilinniartitsissutit ilinniagaqarnermi siunertaanut tamarmiusumut ilinniartitsissutit pingaarnertut imarisaanut periutsimullu tapersiinera.

§ 3. Ilinniartitsissutit siunertaa imatut paasineqassaaq ilinniartitsissutini ataasiakkaani ilinniartitsissutillu immikkoortuini ilinniartitsinerup siunertaa. Ilinniartitsissutit siunertai ilinniartitsissutini ataasiakkaani ilinniartitsissutillu immikkoortuini sammisanut sisamanut naligiinnut agguarneqarput, tassaallutillu:

- 1) Ilisimasat pisinnaasallu.
- 2) Ilikkagaqartarnermi sulinermilu piginnaasat.
- 3) Inuttut inunnullu attaveqartarnermi piginnaasat.
- 4) Kulturi inuiaqatigiillu pillugit piginnaasat

§ 4. Ilinniartitsissutini ataasiakkaani ilikkagassatut anguniakkat imatut paasineqassapput anguniakkat immikkuualuttui, taakkunanilu ilinniartitsissutit naammassineranni ilinniagaqartut pisinnaasaqarfigiligassaattut ilimagisaasut. Ilinniartitsissutini anguniakkat ilinniartitsissutit imarisaat ilanngullugit ingerlaavartumik nalilersuisarnernut aammalu ilinniartitsissutit naammassineranni nalilersuisarnernut qitiusumit aalajangerneqartunut tunngaviliissapput.

*Imm. 2* Imarisaat imatut paasineqassapput pingaarnertut imarisaat imarisaannullu ilassutit, tak. imm. 3 aamma 4. Pingaarnertut imarisaat aamma imarisaannut ilassutit ilinniartitsissutini anguniakkat

anguneqarnissaannut pisariaqarput. Pingaarnertut imarisaannik aamma imarisaannut ilassutininik toqqaanermi ilinniartut peqataatinneqassapput.

*Imm. 3.* Pingaarnertut imarisaat imatut paasineqassapput qaffasissutsini pineqartuni ilinniartitsissutit imarisaat ilinniartut tamarmik pinngitsooratik ilinniagassaat.

*Imm.4.* Imarisaannut ilassutit imatut paasineqassapput kiffaanngissuseqarnerulluni sinaakkutit, taakkualu iluanni pingaarnertut imarisaannik itisiliisunik imminnullu atanerannik takutitsisunik ilinniartullu ilinniakkani paasisaannik annertusiliisunik ilinniartitsissutit imarisassaannik. toqqaaffusut.

**§ 5.** Ilinniartitsissutininik aqqissuinnut ilaapput ilinniartitsinermi tunngavinnik, suleriaatsinik, ilinniakkami oqaatsinik ilinniartitsissutinullu allanut attaveqassutsimik allaaserinninnerit. Ilinniartitsissutininik ataasiakkaani ilinniartitsinermi ilinniartitsissutinut allanut attaveqarnerat ilaanngilaq.

**§ 6.** Nalilersuinnut ilaapput ingerlaavartumik nalilersuisarnerit, misilitsitseriaatsit naliliinernilu piomasagaatit soraarummeerneri atorineqartartut allaaserinnerat. Imminnut ilinniartittunut namminnerlu ilinniartunut soraarummeerneri pissutsit immikkut ittut allaaserineqarnerat aammattaaq ilanngunneqarsinnaapput.

**§ 7.** Qupperneq nalinginnaasoq imatut paasineqassaaq allagaq qupperneq ataaseq akunnequtit ilanngullugit 2400-nik naqqineqarpoq. Saqqummeeriaatsit allat ilaappata imarisaasa pitsaassutsimikkut annertussusaat nalilerneqassaaq, nalinginnaasumik quppernerit missiliuinikkut naatsorsornerisigut.

## **Kapitali 2**

### *Ilinniartitsissutit*

**§ 8.** Ilinniarnertuunngorniarfimmi ilinniartitsissutit ilinniarnertuunngorniarfimmi qaffasissutsinut C, B aamma A-mut inissinneqarput, tassani A qaffasinnerpaajulluni, tak. §§ 13-15.

*Imm. 2* Ilinniarnertuunngorniarfimmi ilinniartitsissutit imatut paasineqassapput ilinniartitsissutit ilinniagaqarnermi anguniakkat anguneqarnissaannut tapersiisut, tamatumunnga ilanngullugu ilinniartitsissutit ingerlaqqiffiusumik ilinniagaqalernissamut piginnaasaqalersitsisuunissaat. Ilinniarnertuunngorniarfimmi ilinniartitsissutit qaffasissusiannut sanilliullugu ilinniartut tunngavilersorlugu isumaliuteqarsinnaanerisa, eqqarsaatinik tigussaasumit avissaartitsisinnaanerisa tamanullu tunngasunngortitsilersinnaanerisa ineriartortinneqarnissaat ilaatigut siunertaavoq.

*Imm. 3.* 1. semesterimi ilinniarnermi ilinniartitsissutit ilinniarnertuunngorniarfimmi ilinniartitsissutit ilaannik imaqarsinnaapput.

**§ 9.** Ilinniarnertuunngorniarfimmi ilinniartitsissutit tassaapput:

- 1) Ilinniartitsissutit, ilinniartunit tamanit pinngitsoorani ilinniarneqartussat (ilinniartitsissutit pinngitsoorani ilinniarneqartussat tamanut tunngasut).
- 2) Ilinniartitsissutit, taamaallaat ilinniakkat sammiviini aalajangersimasuni pinngitsoorani ilinniarneqartussat (ilinniartitsissutit pinngitsoorani ilinniarneqartussat aalajangersimasut).
- 3) Ilinniartitsissutit toqqarneqarsinnaasut.

**§ 10.** Ilinniartitsissutit klassini ilinniarneqassapput, taamaattoq tak. imm. 2-4.

*Imm. 2.* Kalaallisut ilinniarneq holdikkaarluni ilinniartut ilitsoqqussaralugu oqaasii aallaavigalugit katiterneqartussani ingerlanneqassaaq. Ilinniartut kalaallisut ilitsoqqussaralugu oqaaseqanngitsut ilikkagassatut pilersaarut tunngavigalugu kalaallisut ilinnialerlaatut oqaatsillu aappaattut ilinniakkatut A-tut ingerlatissavaat, ilinniartullu kalaallisut ilitsoqqussaralugu oqaaseqartut ilikkagassatut pilersaarut tunngavigalugu ilitsoqqussaralugu oqaatsit A-tut ingerlatissavaat.

*Imm. 3.* Ilinniartitsissutit toqqarneqarsinnaasut ilinniartut toqqagaat malillugit pilersinneqartut ilinniakkat sammivii akimorlugit holdini ingerlanneqarsinnaapput.

*Imm. 4.* Ilinniartitsissutit ilinniartitsissutinik ataasiakkaanik ilinniartitsinertut aamma ingerlanneqarsinnaapput, tassani ilinniartitsineq klassini holdiniluunniit pioreersuni imaluunniit holdini immikkut pilersinneqartuni ingerlanneqarsinnaalluni.

**§ 11.** Ilinniakkat sammivii sorliit pilersinneqassanersut ilinniarnertuunngorniarfiit kingusinnerpaamik 15. december aalajangissavaat. Ilinniartitsissutinik pinngitsoorani ilinniarneqartussanik immaqalu ilinniartitsissutinik toqqarneqarsinnaasunik ilinniakkat sammiviinut atasunik ilinniartut inaarutaasumik toqqaanerat tunngavigalugu aalajangiisoqassaaq.

*Imm. 2.* Ilinniakkap sammivia pilersinneqareerpat ilinniakkap sammivia holdini ilinniakkap sammiviani pilersinneqarsimasuni ingerlanneqassaaq.

**§ 12.** Ilinniartitsissutit suut ilinniarnertuunngorniarfiup semesterip nutaap aallartinnginnerani siumut aalajangertarpoq ilinniartitsissutigineqartussat sorliit pilersinneqassanersut.

### **Kapitali 3**

#### *Qaffasissutsit*

**§ 13.** Qaffasissutsimi A-mi ilinniartitsissutinut ilisarnaataavoq, ilinniartitsissutit ingerlanneqarnerini tamani nalinginnaasumik 250-inik taakkualuunniit sinnerlugit tiimeqarfusarnerat. Ilinniartitsissutini ilikkagassatut anguniagassat oqaasertalersornerini piginnaasassanut uuttuutit qaffasissut atorineqartarput. Ilinniartitsinerni inaarutaasumillu nalilersuinerni allattarissanik suliaqartarnek ilaavoq. Piumasaqaatatut ilimagisaavoq ilinniartut namminneerlutik eqqoqqissaartumillu sulissasut aamma ilinniartitsissutini taaguutit periutsillu atorsinnaassagaat – aamma ataqatigiiffinni ilisimaneqariinngitsuni.

**§ 14.** Qaffasissutsimi B-ni ilinniartitsissutinut ilisarnaataavoq, ilinniartitsissutit ingerlanneqarnerini tamani 150-it 250-illu akornanni tiimeqarfusarnerat. Ilinniartitsissutimi ilikkagassatut anguniagassat oqaasertalersorneqassapput, piginnaasanut uuttuutit qaffasissut ilaatinngagit imaluunniit killilimmik atorlugit. Ilinniartitsinerni inaarutaasumillu naliliinerni allattariarsorluni sulineq ilaagajuttarpoq, taamaattoqartariaqaranili. Piumasaqaataavoq ilinniartut nammieersinnaassuseqangaatsiarlutik sulisinnaassasut, ilinniartitsissutinilu isummat imarisaat periutsillu nalinginnaasumik atorsinnaassagaat.

*Imm. 2.* Qaffasissutsimi B-mi ilinniartitsissutip aammattaaq imarissinnaavaa ilinniartut namminersorlutik allattariarsorlutik suliaat imaluunniit aalajangersimasumik qulequtsiillutik ingerlatsinerat, imm. 1-imi taaneqartunik ikinnerusunik tiimilik, ingerlatsinermut annertuumik ilinniartut namminneerlutik suliaqarnerat annertuumik allattariarsornertalik ilisarnaataappat.

§ 15. Qaffasissutsimi C-mi ilinniartitsissutitut ilisarnaataavoq, ilinniartitsissutit ingerlanneqarnerini tamani 75-it 150-illu akornanni tiimeqarfusarnerat. Ilinniartitsissutini ilikkagassatut anguniagassat oqaasertalersorneqassapput, piginnaasassanut uuttuutit appasissut kisiisa atornissaat pingaartillugit. Ilinniartitsinerni allattariarsorluni sulineq sakkuusinnaavoq, inaarutaasumilli nalilersuineri ilinniartut allattariarsornermi piginnaasaannik nalilersuineq ilaassanngilaq. Piumasaqaataavoq ilinniartut ilinniartitsissutini isummat imarisaat periutsillu atorsinnaassagaat.

§ 16. Qaffasissutit akimorlugit ilinniartitsisoqarsinnaanngilaq.

#### **Kapitali 4**

##### *Sulisussarititaasut*

§ 17. Ilinniartitsissutini ilinniartitsinermi tiimit amerlassusaat, piffissaq ilinniartut atugaat ilinniartitsinissanullu piareersarnerit ilinniartut ilinniagaqarnermi sulinerannut ilaapput.

§ 18. Ilinniartitsinermi tiimit atorneqassapput ilikkagaqarnissaq siunertaralugu, ilinniartitsisup ilinniartullu suleqatigiiffigisaannik, ilinniarnertuunngorniarfiup sammisaqartitsissutissatut aaqqissugaanut, tamatumani siunertaralugu ilinniartup ilinniartitsissummi ilikkagassatut anguniagassanik angusaqarnissaanut tapersiinissaq, tamatumunnga ilaatillugit suliniutit pissusiviusunillu assersuutit, ilinniartitsisup ilinniartumik ilitserisuifigisai. Ilinniartitsinermi tiimit aamma ingerlaavartumik nalilersuineri taakkunungalu atasumik ilitserisuisarneri atorneqassapput.

§ 19. Ilinniartitsissutini tiimit ingerlanneqassapput, piffissap soraarummeerfiusup - ilinniartitsissummi misilitsiffiusup imaluunniit misilitsinnissamut periarfissaqarfiusup - aallartinnginnerani.

§ 20. Ilinniartitsissutini ataasiakkaani ilinniartut piffissaq atugassaat tassaavoq piffissaq ilinniartut ataasiakkaat ilinniartitsissutini allattariarsorlutik sulinissaannut immikkoortitaq, tassunga ilanngullugit ilinniartitsissutitut allanut ilinniartitsinerni tiimit avataanni ilinniartut ingerlattaqaannut ilinniartitsisunillu immikkut nalilersorneqartartunut atassuteqartitsineq.

*Imm. 2.* Ilinniartut allattariarsorlutik suliaannik nalilersuineri nalilersueriaatsit assigiinngitsut atorneqassapput, tassunga ilanngullugit:

- 1) Ilinniartut ataasiakkaarlutik suliaassutitigineqartunik misilitsinnermilu suliaannik kukkunersuineq.
- 2) suleqatigiiaakkaarluni ataasiakkaarluniluunniit allattariarsorluni suliat naqqinneri oqaaseqaateqarfigineqarnerilu, tassunga ilanngullugit ilinniarfiup iluani misilitsinnerit,
- 3) allanneri allattariarsorluni suliat ilaannakortumik naammassisat oqaaseqaateqarfiginerat,
- 4) ilinniartunik ilinniartoqatigiinnillu oqaloqateqarnerit, aamma
- 5) qulaaniittut akuleriissillugit.

*Imm. 3.* Allattariarsorluni suliaqarluni ilinniartunut piffissaliussamik atuineri, ilinniarnertuunngorniarfiup piumasarisinnaavaa ilinniartut najuutissasut.

§ 21. Ilinniartut allattariarsorlutik suliaat tassaasinnaapput allaaserinninnerit, nalunaarusiat, qarasaasiat atorlugit saqqummiinerit aamma multimediat atorlugit suliat il.il.

§ 22. Ilinniartitsinernut piareersarnerit ilinniartut namminneq aaqquutissavaat.

§ 23. Ilinniartitsissutini ilinniartitsinerni tiimit amerlassusaat piffissarlu ilinniartut atugassa atut agguarneqarput:

Ilanngussaq 1	Ilinniartitsissut	Qaffasissuseq	Atuartitsine- rup sivisussusia	Ilinniar- tut piffissaat
1	Tuniniaaneq	Tuniniaaneq A	350	70
2		Tuniniaaneq B	225	0
3	Issittumi teknologi	Issittumi teknologi B	300	40
4		Issittumi teknologi C	120	0
5	Assilialiorluni eqqumiitsuliorneq	Assilialiorluni eqqumiitsuliorneq B	250	0
6		Assilialiorluni eqqumiitsuliorneq C	75	0
7	Uumassusilerineq	Uumassusilerineq A	325	125
8		Uumassusilerineq B	200	66
9		Uumassusilerineq C	75	22
10	Danskit oqaasii	Danskit oqaasii A	300	180
11	Isiginnaartitsineq	Isiginnaartitsineq C	125	15
12	Tuluttut	Tuluttut A	445	225
13		Tuluttut B	295	150
14		Tuluttut C	150	75
15	Inuussutissarsiutinik sammisaqarneq	Inuussutissarsiutinik sammisaqarneq B	60	0
16	Inuutissarsiorneq pillugu inatsisilerineq	Inuutissarsiorneq pillugu inatsisilerineq C	75	0
17	Inuussutissarsiornermi aningaasaqarneq	Inuussutissarsiornermi aningaasaqarneq C	75	0
18	Filosofi	Filosofi C	125	0
19	Aningaasalersuineq	Aningaasalersuineq C	75	0
20	Franskisut	Franskisut aallarterlaanut B	250	18
21	Fysik	Fysik A	325	125
22		Fysik B	225	70
23		Fysik C	100	44
24	Nunalerineq	Nunalerineq B	200	50
25		Nunalerineq C	75	22

26	Kalaallisut	Kalaallisut Ilitsoqqussaralugu oqaatsit A	300	180
27		Kalaallisut aallarterlaanut oqaatsillu aappaattut A	300	180
28	Oqaluttuarisaaneq	Oqaluttuarisaaneq A	200	10
29		Oqaluttuarisaaneq B	190	0
30	Timersorneq	Timersorneq B	250	14
31		Timersorneq C	150	0
32	Paasissutissiisarnermi teknologi	Paasissutissiisarnermi teknologi C	60	0
33	Nutaaliorneq	Nutaaliorneq B	200	0
34		Nutaaliorneq C	75	0
35	Nunat tamat akornanni aningaasaqarneq	Nunat tamat akornanni aningaasaqarneq B	140	0
36	Kemi	Kemi A	325	125
37		Kemi B	225	55
38		Kemi C	100	22
39	Attaveqaqatigiinneq IT- lu	Attaveqaqatigiinneq IT-lu A	265	100
40	Kulturilerineq	Kulturilerineq B	200	46
41		Kulturilerineq C	75	0
42	Niuerfinni attaveqaqatigiinneq	Niuerfinni attaveqaqatigiinneq C	75	0
43	Matematik	Matematik A	445	225
44		Matematik B	295	150
45		Matematik C	150	75
46	Tusagassiuutilerineq	Tusagassiuutilerineq B	200	0
47		Tusagassiuutilerineq C	125	0
48	Nipilersorneq	Nipilersorneq A	325	110
49		Nipilersorneq B	275	65
50		Nipilersorneq C	75	0
51	Aaqqissuussaaneq	Aaqqissuussaaneq C	75	0
52	Pilersaarusiorneq	Pilersaarusiorneq B	200	65
53	Psykologi	Psykologi C	125	0
54	Upperisarsiorneq	Upperisarsiorneq C	75	0
55	Inuiaqatigiilerineq	Inuiaqatigiilerineq A	325	100
56		Inuiaqatigiilerineq B	200	65
57		Inuiaqatigiilerineq C	75	0

58	Nalitsinni oqaluttuarisaaneq	Nalitsinni oqaluttuarisaaneq B	130	0
59	Science	Science C	75	22
60	Spanskisut	Spanskisut aallarterlaanut B	250	18
61	Oqimaaqatigiissaarineq nukittosarnerlu	Oqimaaqatigiissaarineq nukittosarnerlu C	90	10
62	Ilinniartitseriaatsit	Ilinniartitseriaatsit C	60	0
63	Ilinniarnermi suliniut	Ilinniarnermi suliniut	25	30
64	Teknikkimik ilinniartitsissut	Teknikkimik ilinniartitsissut A	350	30
65	Tyskisut	Tyskisut aallarterlaanut B	250	18
66		Tyskisut oqaatsinik nangissineq B	250	33
67	Suliffeqarfiit aningaasaqarnerat	Suliffeqarfiit aningaasaqarnerat A	350	70
68		Suliffeqarfiit aningaasaqarnerat B	225	40

*Imm. 2.* Ilinniakkat sammiviini ilinniartitsissutini tiimit amerlassusaat imm. 1-imit allaanerusut Ilinniartitaanermut Naalakkersuisoqarfup akuerisinnaavai.

*Imm. 3.* Ilinniarnertuunngorniarniup ilinniakkami sammivinnik immikkut ittunik, taamaallaallu Nunatsinni Danmarkimilu ilinniakkani sivikitsuni akunnattumillu sivisussusilinni ilinnialernissamut atortussanik ingerlatsinissaa Ilinniartitaanermut Naalakkersuisoqarfup akuerisinnaavaa.

**§ 24.** 1. semesterimi ilinniartitsissutit pinngitsoorani peqataaffigisassat makkuupput:

- 1) Kalaallit oqaasii.
- 2) Danskit oqaasii.
- 3) Tuluit oqaasii.
- 4) Matematik.
- 5) Uumassusilerineq, fysik, nunalerineq, kemi imaluunniit science.
- 6) Kulturilerineq
- 7) Ilinniarnermi periaatsit.
- 8) Timersorneq.

*Imm. 2.* 1. semesterimi ilinniarnermi ilinniartitsissutini tiimit amerlassusaat ilinniarnertuunngorniarninnit aamma Ilinniartitaanermut Naalakkersuisoqarfinnit akuerineqartassapput.

**§ 25.** Klassimi holdimiluunniit ataatsimi ilinniartitsinerni tiimit amerlassusissaattut aalajangersakkat akuerisalluunniit ilinniarnertuunngorniarniup annikitsumik allanngortissinnaavaat, nikingassutit klassit holdilluunniit ilinniakkani pisariaqartitaannik tunngavilersorneqarpata. Ilinniartitsinermi tiimit amerlassusaasa tiimillu ilinniartunut piffissaliussat katinnerisa nikisinneqannginnissaat piunasaqaataavoq.

*Imm. 2.* § 23, imm. 1-imi ilinniartut piffissaat aalajangersarneqartoq ilinniartitsissummut ataatsimut

annikillisinnerisigut ilinniarnertuunngorniarniit ilinniartut piffissaannik pilersitsisinnaapput. Ilinniakkat sammiviisa akornanni sumiiffinni ilinniartitsissutini perorsaannermilu pissutsit tunngavigalugit ilinniartut piffissaannik ilinniarnertuunngorniarniit agguasassapput.

**§ 26.** Ilinniarnertuunngorniarniit ilinniartunut immikkut aaqqissuussamik ilinniarnermik ingerlatsisunut tiiminik ilasisinnaapput.

*Imm. 2.* Kalaallit Nunaanni Danmarkimilu sivikitsumik akunnattumillu sivisussusilinnik ilinniarnernut isissutaasinnaasunik ilinniarnertuunngorniarniit holdinut immikkut ilinniarnermik ingerlatsisunut ilinniarnertuunngorniarniit tiiminik ilasisinnaanerannik Ilinniartitaanermut Naalakkersuisoqarfik akuersisinnaavoq.

**§ 27.** Piffissaq ilinniartut atugassaas ilinniartitsinertut ingerlanneqarsinnaavoq, tamanna nalileeriaatsitigut tunngavissaqarpat, tak. § 20, imm. 2, imaluunniit piffissap ilinniartut atugassaasa allattariarsorluni sulinertut atorineqartussanngornerani ilinniarnertuunngorniarniit ilinniartut najuunnissaannik piumasaqarpat, tak. § 20, imm. 3.

**§ 28.** Ilinniartut pillugit pissutsit immikkorluinnaq ittut tunngavissaqartitsigaangata ilinniartut ataasiakkaat nalunaarummi aalajangersakkanik atuinneginnissaat Ilinniartitaanermut Ilimatusarnermullu Naalakkersuisoqarfiup akuerisinnaavaa.

**§ 29.** Ilinniartitaanermut Naalakkersuisoqarfiup misileraanermut atatillugu nalunaarummi aalajangersakkat sanioqqussinnaavai.

## **Kapitali 5**

*Atuutilersitsinermut, atorunnaarsitsinermut ikaarsaariarnermilu aalajangersakkat*

**§ 30.** Nalunaarut ilinniarnertuunngorniarniit ilinniartunut ulloq 1. august 2012-imi aallartissimasunut ulloq 1. august 2022-mi atuutilerpoq.

*Imm. 2.* Tamanna ilutigalugu ilinniarnertuunngorniartunik ilinniartunngortitsisarneq pillugu Namminersorlutik Oqartussat nalunaarutaat nr. 7, 27. maj 2014-imeersoq atorunnaarsinneqarpoq.

*Namminersorlutik Oqartussat, ulloq 5. juli 2022*

Peter Olsen

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq



**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut